





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.434/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.434/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.434/6

135

DE NUMISMATE ANTIQVO  
HORATII COCLITIS.  
PER OPTIMUM IMPERATOREM  
TRAIANVM  
RESTITVTO:

EPISTOLA  
CAROLI PATINI.



PATAVII. MDCLXXVIII.

Apud Cadorinum, *Superiorum Permissu.*

Quis est quem non moueat clarissimis  
monumentis testata consignataque  
antiquitas?


*Cicero, lib. de diuinat.*

D  
de  
bil  
me  
pr  
au  
me  
nu  
fe  
xat  
gal  
ent  
vet  
ser  
pu  
sul  
cae  
Sim  
nu  
era



(43)  
ILLVSTRISSIMO AC REVERENDISS. D.  
DIOANNI BRACCESIO,

Abbati Romano,  
CAROLVS PATINVS.



Ngenui est animi res ut sunt liberè dicere, inquiebat Abderites Democritus; Quæ Tibi debeo soluere non possum, quod operibus meis beneficia erga me Tuz. compensare nequeo. Vnum tamen possum, fateri scilicet quod illa Tibi debeam. In Vrbe orbis regina olim degenti mihi, Tu bibliothecam, cimeliarchia, Te ipsum aperuisti, cuius me æternum fore memorem Te scire cupio. Vtrique prosperè eueniet, si Te hilari, ut soles, animo exceperis audiuerim, quod de celeberrimo Numismate nuper meo facto, amplissimo nomini Tuo inscribere decreui.

Egregium illud eruditæ antiquitatis argumentum, nuper largita est ars mea medica. Quamprimum enim se consiliis meis liberatum persensit quispiam, quo vexabatur morbo Indico ( neapolitanum vocant Galli, gallicum Neapolitani ) honorarium præbuit, deficientibus fortè nummis recentioribus, nummos aliquot veteres argenteos, quos in secretioribus loculis sibi seruauerat. Ut olim me iuuenem pudebat accipere, puduit postea recusare. Gratum igitur oblatum munus suscepi, quod mihi tantò gratius accidit, quod inter ceteros nummos COCLE S oculis meis apparuit. Similis prorsus fortuna GALLIENAE AVGVSTAE nummum aureum mihi obtulit, cui VBIQVE PAX erat inscripta.

F z



Sed ad COCLITEM redeo : Nusquam proco pulchrior amasia visa est : Illam non esse dubitabam, quam contrectabam, qua fruebar ; neque enim similem nummum vnquam intueri licuerat, multò minùs possidere. Ab Illustris. Fulvio Vrsino inter FAMILIAS ROMANAS vulgatus erat, HORATIAE gentis singulare monumentum, cuius fidem opportunè meus hic nummus liberat. Illum cum cæteris ex superbo Farnesiorum Principum cimeliarchio descripserat, quem porrò apud ipsos deesse moerens audio. Petrus Seguinus Fideniensis Abbas, amicus olim noster incomparabilis, Νῦν ἐν ἀγίοις, se omnem insumpsisse operam illi conquerendo frequenter ipse nobis asseruit, attamen illam frustra inpendisse fatebatur. Mihi quidem magni illius thesauri fama percito, quem Paulus III. Pont. Max. immani cura & impensa coegit, illum inuestigare non licuit, & si bis Parmam profecto, quòd nondum absolutum esset Numismatibus disponendis musæum ; lubenter tamen se huius copiam præstiturum affirmante Sereniss. Principe. Cæterum Farnesianum hoc monumentum neququam id esse quod ad meas peruenit manus, plurima faciunt vt credam, tum diuersa typi sculptura, meus quippe nummus ea parte præcessit Fulvianum ; tum exstans in meo supra Fulvianum muliebris capitis simulacrum, quod ad pedes equorum collocatum est.

Quanta raritate censendus sit celeberrimus hic meus Nummus, ex eo intelligi potest, quòd nemo mortalium, quantum quidem sciam, parem possideat : Nemo Scriptorum præter Fulv. Vrsinum eiusdem fecerit mentionem. Neque puduit Illustr. Petr. Seguinum qui



maiolem quàm ullus vnquam priuatus, nummorum antiquorum seriem copiamque congeslerat, hunc sibi continuò defuisse palam fateri. Hæc sunt eius verba, ad Ill. Equitem Romanum Franciscum Gottifredum, in **SELECTIS NVMISMATIBVS** impressa pag. 203. *Sed Tibi præsertim debere me profiteor seriem Familiarum Romanarum non ignobilem, quippe me impulisti ad colligendos eorum nummos, quos Consulares appellant multi, de quibus Fuluius Ursinus tam præclare & eruditè scripsit, ut exinde nomen æternum sibi comparauerit. Quod, Te duce, feliciter adeo consecutus sum, ut omnium familiarum centum sexaginta quatuor numero, quas in lucem edidit, sola mihi desit HORATIA, non sine spe illam recuperandi, &c.*

Neque minus integritati huius mei nummi tribuas quàm raritati: Præterquam quod enim à peritissimo artifice sculptus est, qui Pyrgotelem Dioscoridemque superasse videtur, nullius characteris linea in eo desideratur, nulla circuli fissura, nullus metalli color, quem adulterantium fraudes irridens Vetustas sola Numismatibus conciliare solet.

Romæ caput nummo impressum est, qualis ab Athenæo & Ouidio P V L C H R A, Virgilioque P V L C H E R R I M A visa est. Oculorum fulgore intuentium corda penetrat, & eadem suauissima suæ frontis serenitate reficit. Os ipsi sublime datum est, quo oracula sua & leges digniùs orbi pronuntiaret, capillorum cincinnis miram ei gratiam conciliantibus. Quo minus mirandum sit, illam à Græcis utcumque victis, ΚΑΑΗΝ dictam fuisse. Galeata porro illa est, quò vires suas vel tacita declaret. **BELLATRIX** ab Ouidio, Claudiano



(46)  
 & Sidonio, dicta est & FEROX ab Horatio :  
 INVICTAM multi nummi prædicant : MARTIS  
 VRBS celebratur Martiali, & TEMPLVM  
 BELLICOSI MARTIS, Plutarcho. VICTRIX  
 apparet in nummis, quæ ab Ouidio sæpe hoc epitheto  
 indigitata est. Quanta hæc sunt, quæ galeam eius  
 stabiliunt, roboris symbolum, à quo nomen ipsi datum  
 fuisse coniicio : Solinus quippe Urbium Reginam hanc  
 primum VALENTIAM Latinis, & ΡΟΜΗΝ à Græcis  
 appellatam fuisse tradidit, lib. 1.

Litera X retro posita pretium Nummi declarat, iuxta  
 illud Plinij, l. 33. c. 3. *Argentum signatum est anno Urbis*  
*CDXXCIV. Q. Ogulnio, C. Fabio Coss. quinque annis*  
*ante primum bellum Punicum. Et placuit denarius pro*  
*decem libris æris, quinarius pro quinque, sesterterius pro*  
*dipondio & feruisse.* Notum quippe Antiquarijs plurimos  
 nummos Coss. occurrere, quibus decem, quinque &  
 duas æris libras cum media indicari manifestum est notis  
 his X: V: LLS: insignitos.

COCLES præcipuum est nummi ornamentum :  
*Hostium victor & fluminis, ut scribit Paul. Diacon.*  
*c. 1. Illius historiam abundè tradit T. Livius, lib. 2. cuius*  
*partem transcripserat in gente HORATIA nunquam*  
*fatis laudandus Fulv. Ursinus, Pons Sublicius iter penè*  
*hostibus dedit, ni unus vir fuisset HORATIVS COCLES*  
*( id munimentum illo die fortunæ Urbis Romanæ habuit )*  
*qui positus fortè in statione pontis, cum captum repentino*  
*impetu Ianiculum, atque inde citatos decurrere hostes*  
*vidisset, trepidamque turbam suorum arma ordinesque*  
*relinquere : reprehensans singulos, obsistens, obstitansque*  
*Deum & hominum fidem testabatur, ne quicquam d'fero*



praesidio eos fugere, si transitum pontem à tergo reliquissent:  
 iam plus hostium in Palatio Capitolioque, quam in  
 Ianiculo fore. Itaque monere, precipere, ut pontem  
 ferro, igni, quacunque vi possent, interrompant; se  
 impetum hostium, quantum corpore uno posset obfisti,  
 excepturum. Vadit inde in primum aditum pontis;  
 insignisque inter conspecta cedentiam pugnae terga, obuersis  
 cominus ad incundam prelium armis, ipso miraculo  
 audaciae obstupescit hostes. Duos tamen cum eo pudor  
 tenuit, Sp. Lartium ac T. Herminium, ambos claros  
 genere factisque. Cum his primam periculi procellam,  
 & quod tumultuosissimum pugnae erat, parumper sustinuit:  
 deinde eos quoque ipsos, exigua parte pontis relicta,  
 reuocantibus qui rescindebant, cedere in tutum coegit.  
 Circumferens inde truces minaciter oculos ad procures  
 Etruscorum, nunc singulos prouocare, nunc increpare  
 omnes, seruitia Regum Superborum, suae libertatis  
 immemores, alienam oppugnatum venire. Cunctati  
 aliquandiu sunt, dum alius alium, ut praelium incipiant,  
 circumspectant; pudor deinde commouit aciem, & clamore  
 sublato undique in unum hostem tela coniciant: quæ  
 cum in obiecto cuncta scuto hesissent, neque ille minus  
 obstinatus ingenti pontem obtineret gradu; iam impetu  
 conabantur detrudere virum, cum simul fragor rupti  
 pontis, simul clamor Romanorum alacritate perfecti  
 operis sublatus, pauore subito impetum sustinuit. Tum  
 COCLES, Tiberine pater, inquit, Te sanctè precor,  
 hæc arma & hanc militum propitio flumine accipias. Ita  
 his armatus in Tiberim descendit, multisque super incidentibus  
 telis, incolanis ad suos tranauit: rem arsus plus famæ  
 habituram ad posteros, quam fidem. Grata erga tantum



virtutem ciuitas fuit : statua in Comitio posita : agri quantum vno die circumarauit , datum . Priuata quoque inter publicos studia , eminebant : Nam in magna inopia , pro domesticis copijs unusquisque ei aliquid , fraudans se ipse victu suo , contulit : & cæt. Eadem de COCLITE narrant Dionysius Halic. lib. 4. Valer. Maximus , lib. 3. c. 1. & Plutarchus , in Pöblicola. Victor , de Viris Illustrib. Paulus Diac. hist. misc. l. 1.

Sunt qui credant HORATIO COCLITI id nominis obtigisse , non quòd oculum alterum bello amiserit , sed quòd nasus ipsi sub fronte ita depressus demissusque erat , vt nullum ferè inter oculos discrimen exstaret ; ipsaque supercilia commixta inuicem confusaque fuerint . Qua corrupta loquendi consuetudine factum est , vt Cyclops diceretur etiam COCLES . Ita tamen Aur. Victor , de Viris Ill. HORATIUS COCLES illo fuit cognomine , quòd in alio prælio oculum amiserit . Memoranda est eius responsio obijcienti calamitatem in pede , quam dum Hetruscorum impetum retunderet , passus est ; per singulos gradus , inquebat , admoneor triumphi mei .

Auersus nummus Equites duos ad bellum properantes refert , Castorem & Pollucem , Σορῆτες , propitios Romanorum Deos , quos in candidis equis prælio Romanorum contra Latinos interfuisse , fama tradidit , referente Floro , l. 1. c. xi. De ijs hæc cecinit Prudentius , in Symmachum , lib. 1.

----- Gemini quoque fratres  
Corrupta de matre nothi , Ledeia proles ,  
Nocturnique equites , celsæ duo numina Romæ .  
Id innuente Plinio , lib. 7. cap. 21. his verbis ; Castores



Romani numinum fuere praesagia, quare stellis insignitos  
 eos fuisse antiquitas prodidit. Castores cassides in capite  
 gestare stellarum apicibus insignes refert Apuleius,  
*Metam. lib. 10.* Quarum originem ita explicat Plinius  
*lib. 2. cap. 36.* *Stellae geminae salutares, & prosperi cursus*  
*praenuntiae, quarum aduentu fugari diram ac minacem,*  
*appellatamque Helenam, ferunt: & ob id Castori &*  
*Polluci id numen assignant, eosque in mari inuocant:*  
 quod quidem ornare videtur D. Pauli testimonium, *act.*  
*18. v. ij.* *Nauigauimus, inquit, in navi Alexandrina,*  
*quae in insula hyemauerat, cui erat insigne CASTORVM.*  
 quo nomine, stellas de quibus agimus, indicatas fuisse  
 verisimile est, numinum nostrum illustrantes. Sic  
 fratres *Helenae lucida sydera*, apud Horatium.

Neque nummo nostro desunt spectabiles pilei, à  
 quibus Castores, *pileati fratres*, à Catullo dicti sunt.  
 Quod enim Lacones fuere, quibus pileatis militare mos  
 fuit, id nomen sortiti sunt. Meminit Pausanias, *in Lacon.*  
 Dioscurorum templi perantiqui, in quo ipsi iuuenes equis  
 albis insidentes spectabantur, à quibus forte nummi  
 typus ductus est. Eos praeterea genuinè descripsisse  
 videtur Pap. Statius.

----- *Chlamys hic chlamis ardet & illi*  
*Ambo hastile gerunt, humeros exertus uterque*  
*Nudus uterque genas, simili coma fulgurat astro.*

Cuiusnam sit caput illud humeris tenus, in ima  
 nummi parte ad pedes equorum effictum, ut nullus,  
 quod sciam vidit, sic scriptor nullus declarauit. Placet  
 equidem illud esse Cloeliae virginis, tum historiae  
 COCLITIS affinitate permoto, tum maximè T. Liuii,  
 Plinii, Florique auctoritatibus meam coniecturam.



(50)  
roborantibus. Hæc sunt T. Liuii verba, lib. 2. Ita honorata  
virtute, femina quoque ad publica decora excitata.  
CLOELIA virgo una ex obsidibus, cum castra Etruscorum  
fortè haud procul ripa Tiberis locata essent, frustrata  
custodes dux agminis Virginum inter tela hostium Tiberim  
transiit, sospitesq; omnes Romam ad propinquos restituit.  
Quod ubi Regi nuntiatum est, primò incensus ira, oratores  
Romam misit ad CLOELIAM obsidem deposcendam,  
alias haud magni facere: deinde in admirationem versus  
supra COCLITES Mutiosque dicere, id facinus esse,  
& præferre, quemadmodum si non dedatur obses, pro  
rupto se foedus habiturum: sic deditam, inuiolatam ad  
suos remissurum. Vtrinque constitit fides, & Romani  
pignus pacis ex foedere restituerunt, & apud Regem  
Etruscum non tuta solùm, sed honorata etiam virtus fuit,  
laudatamque Virginem parte obsidum se donare dixit, ipsa  
quos vellet, legeret. Productis omnibus elegisse impuberes  
dicitur, quod & virginitati decorum, & consensu obsidum  
ipsorum probabile erat eam etatem potissimum liberari ab  
hoste, quæ maximè opportuna iniuriæ esset. Pace  
redintegrata. Romani nouam in foemina virtutem nouo  
genere honoris, statua equestri donauere.

Plinij autem hæc sunt, lib. 34. cap. 6. Pedestres statuæ  
sine dubio Romæ fuisse in autoritate, longo tempore.  
Equestriam tamen origo per quam vetus est, cum foeminis  
etiam honore communicato. CLOELIAE enim statua est  
equestris, seu parum esset eam toga cingi, cum nec  
Lucretiæ, nec Bruto, qui expulerant Reges, propter quos  
CLOELIA inter obsides, decerneretur. Hanc primam &  
HORATII COCLITIS publicè dicatam crediderim: ante  
sibi ac Sybille Tarquinium & Reges sibi ipsos posuisse



(11)  
 verisimile est; nisi CLOELIAE Piso traderet ab his  
 positam, qui una obsides fuerant, redditus à Porsena in  
 honorem eius. In hoc Plinij loco, CLOCLITIS &  
 CLOELIAE quis non videt coniunctionem in statu? *statu*  
 eamque ex nummo cur non confirmaremus? Accedit  
 & alter Plinij locus, lib. 34. cap. 5. *Alia causa & alia*  
*autoritas maior in HORATII COCLITIS statua quæ*  
*durat hodieque, cum hostes à ponte Sublicio solus arcuisset.*  
 Sic scribit Florus, l. 1. c. x. Tunc illa Romana prodigia  
 atque miracula HORATII, Mutius, CLOELIA: quæ  
 nisi in annalibus forent, hodie fabulæ viderentur, &c. Ita  
 verò post Aurelium Victorem, c. 13. P. Diacon. misc. l. 1.  
*statua ei equestris ex Senatusconsulto data est.*

Neque tamen ita certum facio, illud esse CLOELIAE  
 caput, ut cæteris coniecturis per Me quidquam  
 detrahatur. Tres alias ipse afferam; Prima Libertatem  
 profert, Deam à Romanis, vel ab incunabulis perditæ  
 amatam, cultamue. De ea sic T. Liuius, lib. 2. *Non in*  
*regno populum Romanum, sed in libertate esse.* Reuera  
 & ore & habitu conueniunt apprimè, tum exiguum istud  
 nummi nostri caput, tum Libertatis facies, quæ in pluribus  
 antiquis occurrit; præsertim in gente IVNIA, n. 1. Alteram  
 historia Horatorum celebrat, quorum postremus  
 Curiatorum victor lugentem sororem ob sponsi sui  
 necem, quasi decoris familiæ, virtutisque Romanæ  
 immemorem necauit, ut fusè videre est apud Dion. Halic.  
 l. 3. Florus, l. 1. c. 3. Victorem, c. 4. Huius autem caput ideo  
 ideo expressum esset, quod gloriam familiæ Horatiæ  
 declararet, nemini parentis, cum de patriæ salute,  
 ageretur. *Ei quippe proprium est, inquit idem Dion. Halic.*  
*l. 11. & patrium, ire obuiam, seruitutemque vi audaciaque*



(52)  
maxima declinare. Tertiò simplicem esse Monetariorum  
notam, nihil vetat, cuius generis multiplices in plerisque  
nummis cernuntur. Gratus esset felicior OEDIPUS, qui ob  
solutum ænigma gratias maximas à nobis reciperet, &  
pro Ioue Inuentore haberetur. Interim liceat CLOE-  
LIAM in exiguo typo & suspicere & mirari.

ROMA infra scripta est, quæ pro dignitatis suæ more,  
monetæ pretium & pondus sua præsentia declararet ac  
sponderet.

Circa typum inscriptio est, quæ numismatis originem  
explicat. IMPERATOR CAESAR TRAIANUS AVGVSTVS  
GERMANICUS DACICUS Pater Patriæ RESTITUIT HORATII  
COCLITIS monumentum. Illud olim nudum & simplex,  
seu absque vlla restitutionis nota ab aliquo Horatiæ gentis  
signatum fuisse mihi nullum est dubium; etsi neque  
illud vidisse vnquam licuerit, neque à quoquam  
visum intellexerim: At quot alia periisse verisimile est?  
hoc quidem certò cūsum fuisse, ex restitutione abundè  
patet. Nummos autem plerisque ne dicam omnes ab  
eodem Imperatore restitutos simpliciter etiam obserua-  
uimus, quos ne tempus rerum edax posteris eriperet,  
Traianus ad illustrium facinorum ampliandam famam,  
appositè ac benignè restituit. Votis porrò suis abundè  
fatis cauisse non videtur, cū per quindecim sæcula,  
HORATII COCLITIS honos poenè fuerit sepultus,  
vt pote vnico hoc, quod restitutionis memoriam seruat,  
superstite monumento. Quid ni & alia restituerit nobis  
ignota, nec nisi seris nepotibus reuelanda? Vnus certè  
requiritur Romanus Imperator, qui illustres viros  
facinoræque eximia restituat: At ille non deest, litterarum  
perpetuus æstimator, & benignissimus reparator,



LEOPOLDVS semper Augustus: Is enim vnus est, qui optimus Imperator, optimi Imperatoris caëpta adimplere queat, quique cimeliarchia nostra ditando, immortalem gloriam, quam vltro peperere eximiæ eius virtutes, non contemnenda hac accessione augere queat. Cur, quæso, rarioribus Consulum aut Imperatorum nummis ab ipso restitutis, hæc non apponeretur epigraphe? IMP. CAES. LEOPOLDVS AVG. P. P. REST. Ego quidem si eruditorum suffragia non desint, id aggredi, proponere, & à Sacra Cæsarea Maiestate, qua par est submissione efflagitare, non intermittam.

Supereffet vt HORATIVM illum designaremus, qui COCLITIS facinus honorificè nummi commemoratione decoravit. Illum ignorare me lubens fateor: neque enim vllum eius gentis in magistratu constitutum legisse memini, ab eo anno quo Populus Romanus argento signato vti cæpit, scilicet V.C. vt notat Plin. CDXXXIV; spem tamen non abiici illum qualis fuerit, consequendi.

Hanc de HORATHI COCLITIS nummo Epistolam condigno argumento ornasse mihi videbor, si ei subiunxerim aureorum argenteorumque nummorum indicem, quos ab eodem Optimo Principe Traiano restitutos obseruavi.

### EX AVRO.

DIVVS IVLIVS. Caput Iulij Cæsaris. Vide *Thesaurum Patini*, pag. 2.  
IMP. CAES. TRAIAN. AVG. GER. DAC. P. P. REST. Victoria gradiens; digitum ori admouens, caduceum dextrâ tenens, serpente ad eius pedes sese erigente;  
Vide *Familias Romanas Patini*, pag. 313.

DIVVS IVLIVS. Caput Iulij Cæsaris.  
IMP. CAES. TRAIAN. AVG. GER. DAC. P. P. REST. Venus innixa columnæ, galeam dextrâ, hastam sinistrâ tenens: ad cuius pedes, clipeus.

(54)

**CÆSAR DIVI F.** Caput Augusti.  
**ÆGYPTIO CAPTA** Crocodilus. **IMP. CÆS. TRAIAN. AVG. GER. DAC.**  
**P. P. REST.**

**TI. CLAVD. CÆSAR AVG. GERM. P.M. TRIB. POT. P. P.** Caput Claudij laureatum.

**IMP. CÆS. TRAIAN. AVG. GER. DAC. P. P. REST.** Dea Salus dextrâ pateram, sinistrâ cornucopiâ tenens.

**DIVVS VESPASIANVS.** Caput Vespasiani.  
**IMP. CÆS. TRAIAN. AVG. GER. DAC. P. P. REST.** Sedes curulis supra quam fulmen. Vide *Thes. Pat.* pag. 8.

**DIVVS VESPASIANVS.** Caput Vespasiani.  
**IMP. CÆS. TRAIAN. AVG. GER. DAC. P. P. REST.** Trophæum.

**T. CÆS. VESPASIANVS AVG.** Caput Titi.  
**IMP. CÆS. TRAIAN. AVG. GER. DAC. P. P. REST.** Sedes curulis supra quam fulmen.

**T. CAES. VESPASIANVS AVG.** Caput Titi.  
**IMP. CAES. TRAIAN. AVG. GER. P. P. REST.** Trophæum.

**DIVVS NERVA AVG.** Caput Nervæ.  
**IMP. CAES. TRAIAN. AVG. GER. DAC. P. P. REST.** Manus iunctæ.

**DIVVS NERVA AVG.** Caput Nervæ.  
**IMP. CAES. TRAIAN. AVG. GER. DAC. P. P. REST.** Thensa à duobus elephantis vecta, in qua vehitur Imperator.

## EX ARGENTO.

Caput Pietatis, vt in **CAECILIAE** Familiæ nummo 13.  
**Q. C. M. P. I. Elephas.** **IMP. CAES. TRAIAN. AVG. GER. DAC. P. P. REST.**  
Vide *Thesaurum Patini*, pag. 37.

**VEST. Q. CASSIVS,** vt in **CASSIAE** fam. num. 5.  
**A. C. Templum Vestæ.** **IMP. CAES. TRAIAN. AVG. GER. DAC. P. P. REST.**

**MARCELLINVS,** vt in **CLAVDIAE** fam. num. 1. & **CORNELIAE** num. 20.  
**MARCELLVS COS. QVINQ.** Imp. deferens opima spolia ad templum Iouis.  
**IMP. CAES. TRAIAN. AVG. GER. DAC. P. P. REST.**

**AVGVSTVS.** Vide *Thesaurum Patini*, pag. 37.  
**COSSVS LENTVLVS.** Figura equestris. **IMP. CAES. TRAIAN. AVG. GER. DAC. P. P. REST.**



AVGVSTVS COS. XI. vt in CORNELIAE fam. num. 42. & VISPASIAE num. 8.  
M. AGRIPPA COS. TER. COSSVS LENTVLVS. Caput Agrippæ rostrata corona  
ornatum. IMP. CAES. TRAIAN. AVG. GER. DAC. P. P. REST.

Caput Cereris, vt in CORNVFICIAE fam. num. 3.  
Q. CORNVFICI. AVGV. IMP. Iuno Sospita coronans augurem Cornuficium;  
IMP. CAES. TRAIAN. AVG. GER. DAC. P. P. REST.

COCLES. Caput Romæ, in HORATIA Familia.  
ROMA. Castor & Pollux equites, ad quorum pedes, caput muliebre, fortè Clocliz.  
IMP. CAES. TRAIAN. AVG. GER. DAC. P. P. REST.

Veneris Caput; vt in IVLIAE fam. num. 5.  
CAESAR; AEneas Anchisem gerens. IMP. CAES. TRAIAN. AVG. GER. DAC.  
P. P. REST.

LIBERTAS. Caput Deæ; vt in IVNIAE fam. num. 2.  
BRVTVS. Consul gradiens cum tribus libtoribus. IMP. CAES. TRAIAN. AVG.  
GER. DAC. P. P. REST.

Caput Solis; vt in LVCRETIAE fam. num. 3.  
L. LVCRETI. TRIO. Septem Stellæ circum Lunam. IMP. CAES. TRAIAN.  
AVG. GER. DAC. P. P. REST.

Caput Mercurij, vt in MAMILIAE fam. num. 3.  
C. MAMIL. LIMETAN. Vlyses. IMP. CAES. TRAIAN. AVG. GER. DAC.  
P. P. REST.

C. MEMMIVS C. F. QVIRINVS; vt in MEMMIAE fam. num. 1.  
MEMMIVS AED. CERTALIA PREIMVS FECIT. Ceres sedens. IMP. CAES.  
TRAIAN. AVG. GER. DAC. P. P. REST.

DOSSEN; vt in RVBRIAE fam. num. 2.  
L. RVBRI. Thensa. IMP. CAES. TRAIAN. AVG. GER. DAC. P. P. REST.

DOS; vt in RVBRIAE fam. num. 4.  
L. RVBRI. Thensa. IMP. CAES. TRAIAN. AVG. GER. DAC. P. P. REST.

DOS; vt in RVBRIAE fam. num. 5.  
L. RVBRI. Thensa; vt in fam. Rom. pag. 314. IMP. CAES. TRAIAN. AVG.  
GER. DAC. P. P. REST.

ACISCVLVS, Caput Solis; vt in VALERIAE fam. num. 5.  
L. VALERIVS. Luna in biga. IMP. CAES. TRAIAN. AVG. GER. DAC. P. P. REST.

IMP. GALBA. Caput Galbæ Imp.  
LIBERTAS, stans pileum dextrâ tenens. IMP. CAES. TRAIAN. AVG. GER. DAC.  
P. P. REST.

Hæc mihi academicis medicisq; operibus occupatissimo scribere vix licuit, quibus veterem meam obseruantiam perennisque obsequij tesseram palam facerem. Neque enim mihi æquum visum est, alteri quàm Tibi Romano fortissimo, fortissimi Romani HORATII COCLITIS nummum inscribere: Ea itaque quantulacumque sint boni consulas, etiam atque etiam rogo.

E musæo nostro Patauino, ipso Quirinalium die, seu *Fulgorum festo*, quem laruati personatique homines etiamnum celebrant, quique Kal. Mart. duodecimus est, MDCLXXVIII.







mō  
am  
que  
mo  
CIS  
int  
  
feu  
nes  
est,



















005645036

